



Die Rietstok

33^{ste} Nuusblad van Streek Rietvallei
Junie 2016



Rietvallei is 10 jaar oud!!



Inhoudsopgawe

- Redaksioneel
- Rietvallei bestuur
- Sielskos
- Pitkos
- Rietvallei nuusbrogkies
- Lief en Leed
- Kampnuus
 - * Lirasia - April
 - * Dube – Mei
- Senior Burgerhoekie
- Jeugnuus en -dinge
- Verjaarsdae
- Huwelikshedenkings
- Knuppeldik
- Lag ‘n slag
- Kampprogram
- Adverteer

Redaksie

As iemand verjaar dink ons altyd aan ‘n mooi wens om vir die persoon te gee. Die beste wense kom natuurlik uit God se Woord, en ek dink dit is gepas om dan vir Rietvallei die volgende toe te wens uit Psalm 23:

“Sy stok en staf sal jou beskerm en ondersteun.

Hy berei vir jou ‘n feesmaal voor die oë van al jou vyande.

Hy verwelkom jou as ‘n eregas deur jou kop te self met olie en jou beker oorvol te maak.

Waarlik, Sy goedheid en trou sal jou vergesel al die dae van jou lewe en jy sal bly in die huis van die Here solank as wat jy lewe.”

BAIE geluk Rietvallei Streek met 10 jaar! Mag die vriendskappe aanhou groei en mag die streek nog baie gelukkige jare van kamp hê!

Magdaleen Viljoen

Rietvallei Bestuur 2015/2016

Voorsitter

Hans Koekemoer 082 565 7896
erhans@absamail.co.za

Ondervoorsitter

Wayne Botha 076 066 9842
wayne@witklippies.co.za

Penningmeester

Annelien Green 082 711 0134
dodge38@iafrica.com

Redakteur

Magdaleen Viljoen 083 792 3078
magdaleenv@absa.co.za

Kampkoördineerde

Pieter Viljoen 078 094 7436
Jpsdiner1@gmail.com

Senior Burgerverteenwoordiger

Margriet van den Berg 082 586 0480
wavdberg@telkomsa.net

Jeugverteenwoordiger

Denise Botha 076 066 9842
denise@witklippies.co.za

SAWA Webblad:

www.sawa.org.za



Sielskos

“Wat julle ook al doen,
doen dit van harte soos
vir die Here en nie vir
mense nie, omdat julle
weet dat julle van die
Here as beloning sal
kry wat Hy belowe het.
Christus is die Here in
wie se diens julle
staan.

[Kolossense 3:23-24](http://www.biblegateway.com/passage/?search=Colossians+3%3A23-24&version=NLT)



Waарhede

Iets wat jy kan gee en nog steeds behou is jou woord.

Selfs 'n skilpad maak vordering as hy net sy kop uitsteek.

Die beste manier om goeie vriende te maak is om een te wees.

Die geluk in jou lewe hang af van die kwaliteit van jou denke.

Jou idees sal nie werk as jy dit nie ook doen nie.

Die swaarste ding om rond te dra is wraakgedagtes.

Moenie veiligheidsreëls per ongeluk leer nie.

Ons grootste leuens is die wat ons vir onsself vertel.

HANS MOBILE CARAVAN REPAIRS

Professionele dienste en klein herstelwerke op u perseel.

Versekeringsherstelwerke en groter herstelwerk word
by ons goed toegeruste werkswinkel gedoen.

Kontak vir Hans by 083 287 9252

Rietvallei nuusbrokkies

- ❖ Rietvallei het sy 10de verjaarsdag gevier by Dube met nog 4 streke wat saam met ons kom fees vier het!
- ❖ Die kombersieprojek kom tot 'n einde met 'n heerlike kuier oggend en oorhandiging van 50 pragtige komberse.
- ❖ 'n Wildtuintoer is deur Rudi Britz beplan. Die 19 waens vertrek 28 Julie.
- ❖ Neels de Klerk beplan 'n drie weke lang toer vanaf Klein Paradys, Nylstroom, na die AJV naweek. Die toer sal basies bestaan uit 'n paar dae in "Oos Transvaal", 'n paar dae in die wildtuin en dan twee verskillende plekke in Swaziland en dan afsluit by Badplaas.



SolutioCon

Liggewig Silwer seile

Versterk met stormbande;
Wasbaar en lig;
Ideaal vir karavane en tente;
Goedkoper opsie.

Ripstop Silwer seile

Wasbaar en duursaam;
Versterk met stormbande;
Duursaamste produk beskikbaar op die mark;
Ideaal vir karavane, tente en alleen-staande toepassings.

<http://www.tinel.co.za>

Tinus Vorster

083 654 654 9



Lief en leed

- ❖ Oom Jake is terug by die huis. Hoop hy word sommer vinnig gesond. Ons kan nie wag om hom en Tannie Ina weer by die kamp te sien nie;
- ❖ Oom Daan en tannie Elize is terug in Suid Afrika. Ons is seker dat die kuier by die kinders en die plekke wat julle besoek het daar onder julle gesondheid sommer net goed gedoen het. Welkom terug;
- ❖ Elsette se broer het na 'n lang siekbed op 29 Mei die stryd verloor. Elsette, vir jou asook Fanie, ons is jammer om daarvan te hoor en ek weet dat die hartseer wat daarmee saamgaan nie altyd beskryf kan word nie. Mag die Here se genade met julle wees asook die heling wat Hy daarmee saam gee. Ons as Rietvallei is saam met julle en mag Sy vrede alles te bowe gaan;
- ❖ 10 Junie is Ben van Eeden opgeneem in die Pretoria Oos Hospitaal met longontsteking . Ben is reeds ontslaan en sterk tans by die huis aan;
- ❖ Chris en Ansie se kleinseun het 4 Julie slegte elektriese brandwonde opgedoen aan sy hande. Ons dink aan julle en bid vir julle en julle kinders en vertrou dat hy vinnig sal herstel;
- ❖ Jan en Gerda de Wagenaar se eerste agter-kleinkind is gebore.

LIRACIA

15 – 17 APRIL 2016

Liracia is 'n heerlike kampplek sowat 25km vanaf Pretoria, bietjie meer as 'n klipgoot ver. Wanneer 'n mens die hek binne-ry omvou stilte 'n mens geheel en al. Dit is een van die kampplekke waarheen enigeen wat vrede vir die siel soek heen kan gaan.

Van die seniors het al vanaf die Woensdag begin kamp en die werkende Rietvalleiers het Vrydag al vroegmiddag begin aankom. Daar is koeltebome te kus en te keur en almal het onder 'n koelteboom staanplek gekry. Die seniors onder leiding van Margriet het ons bederf met heerlike vetkoeke met maalvleis en Elmarie het gesorg vir die soettand – malvapoeding en vla. Dit was voortrefflik. Baie dankie aan elkeen van julle. Na die boekevat het almal lekker saamgekuier en staaltjies en wedervaringe is gedeel.

Saterdagoggend het wolkloos en warm aangebreek, Boekevat is gedurende die oggend waargeneem en die groot kuier is voorgesit en tussenin is gepeusel want kort-kort het daar heerlike kougoed op die tafel verskyn. Die dames het op groot skaal gebrei en gehekel tot laatmiddag. Sommiges het in die swembad gaan afkoel want die sonnetjie het behoorlik gebrand. Vroegaand is die vure aangestEEK vir die gesamentlike braai en dit was heerlik om al die mense om een vuur saam te trek.

Sondagoggend het ons geluister na 'n preekbandjie van ds Stephan Joubert. Dit is 'n besondere ervaring om so tussen die geluide van die natuur die Boodskap te ontvang. Die koektafel was weereens gelaaai met heerlike eetgoed. Mynhardt Marais het die week voor die kamp sy 80ste verjaarsdag gevier en sy kinders het Sondagoggend vir hom 'n koek gebring om die besondere geleentheid met almal te deel. Hy het met groot presisie self die koek gesny en uitgedeel. Mynhardt, dit was lekker om ook hierdie geleentheid met jou en Wimpie te deel. Mooi jare vorentoe.

Te gou was dit weer tyd vir oppak, maar ek glo dit was nie die laaste keer wat Liracia ons Rietvalleiers gesien het nie.



Lettie Ueckermann brei troospoppies vir dogtertjies en meisies wat traumatiseer is a.g.v. mishandeling/verkragting. Sy het dit vir ons kom wys.

10de VERJAARSDAG

**DUBE
15 – 19 MEI 2016**

Dit het 'n paar dae lank gereën voor ons kamp begin het. Sommige seniors het reeds die Sondag by Dube aangekom, ander het tot Maandag gewag met die hoop dat die son darem sal skyn wanneer opgeslaan moet word. Daar was 12 waens vir die seniorkamp. Sommige kon ongelukkig eers Donderdag by ons aansluit.

Dit was 'n blye weersiens in die lieflike vars natuur. Soos gewoonlik was die bymekaarkom-plek Neels en Rina de Klerk se groot tent. Daar het ons Boeke gevat, tee gedrink en gesels, koekies geëet, grappe vertel en al ons etes geniet.

Dinsdagoggend het ons Bingo gespeel en dit was vet pret. Margriet en Wim vd Berg was die leiers en hulle het geen gekroek toegelaat nie! Margriet het vooraf gevra dat almal klein geskenkies moet saambring wat as pryse vir die Bingo gebruik sou word. Sommige mense het baie pryse gewen, ander minder en ander niks. Daar was darem later ook 'n paar troospryse.

Soos gebruiklik by Dube was daar Woensdagoggend tee en koffie met heerlike verversings in die lapa, aangebied deur die oord se bestuur vir alle gaste. Ons sê baie dankie aan Celia. Dit was 'n baie gesellige geleentheid. Ons het sommer ook daar 'n mooi groepfoto van al die seniors geneem.

Donderdagoggend het ons almal in konvooi gery na Rosslyn waar ons SA Brouerye besoek het. Daar het 'n klompie Rietvalleiers wat nie kon saamkamp nie, by ons aangesluit. Ons is ontmoet deur Harold, 'n baie vriendelike man, wat ook ons gids was deur die hele aanleg. Vooraf het hy vir ons verduidelik presies hoe die bier gebrou word, watter bestanddele gebruik word en hoe lank elke stadium van die proses duur. Na ons lank en ver gestap het, kon ons na hartelus proe aan die resultate van al die harde werk wat ons daar gesien het! Ons hartlike dank aan Pieter Viljoen wat hierdie uitstappie gereël het.

Sommige mense het ook gaan stap in die veld, of gery om na die wild te kyk. Daar is baie om te sien en die wat nie ver wou gaan nie, het sommer net op die stoep by die lapa gesit en kyk hoe die diere kom water drink of eet uit die voerbakke.

Vrydag het al die ander Rietvalleiers en gaste gearriveer vir ons groot tiende verjaarsdag fees. Ons het die hele week wonderlike weer gehad, dankie Jesus, en almal het die kamp geniet. Ons "batterye" is weer gelaa!

Linda van Vuuren.

DUBE 20 – 22 MEI 2016

Rietvallei se groot verjaarsdagnaweek het uiteindelik aangebreek en woonwaens het sommer al van vroeg Vrydagoggend by die oord ingetrek om aan te sluit by die seniors wat toe al sedert die vorige Sondag gekamp het. Daar was oor die algemeen 'n baie opgewonde afwagting oor die vieringe wat beplan is. Vriende het oor-en-weer gegroet want die buurstreke Pretoria, Kiepersol, Bosveld en Bronberg het saam gekamp en ou bekendes is hartlik verwelkom. Die oord het vinnig volgeloop en tot laataand het woonwaens nog aangemeld. Teen vroegaand is heerlike worsrolle verkoop en is die Boekvat daarna waargeneem om die naweek op die gepaste wyse te begin. Die nasionale voorsitter, Jannie en Alet Meyer, asook die nasionale sekretaris, Andre en Vink Swanepoel, is verwelkom asook al die mede-Sawanante van die ander streke en ons eie streek Rietvallei.

Die weer het saamgespeel en Saterdag was dit heerlik warm en gou-gou het die geure van ontbyt in die lug gehang. Die warm swembad het groot aftrek gekry van sommer vroeg af, die vroeë stappers het gespog met watter diere hulle gesien het, want Dube het 'n groot verskeidenheid van wild. Die voorbereidings vir die aand se amptelike funksie het ook begin en die dames het begin woel om die tafels te dek en te tooi vir die ete. Die Dube-dames het hier ook hulle volle samewerking gegee en was van groot hulp met al die voorbereiding. Pieter en Magdaleen het ook die feestelike brood-en slaaitafel voorberei en dit was prentjiemooi met al die kleurvolle vrugte tussenin. Intussen het die braaier, Christo met sy helpers begin om die braaiers uit te pak vir die hoenderbraai. Die hele proses

het heelwat belangstelling gelok want hy het die proses om 'n groot hoeveelheid hoenders, in hierdie geval 100 hoenders, tegelyk te braai vervolmaak. Die geur van die braaihoenders was baie apytwekkend en sommer vroeg al het die gaste opgedaan vir die funksie. Elke gesin het 'n bottel wyn met die Rietvallei 10e verjaarsdaglogo op ontvang. Tydens so 'n geleentheid is dit nodig om van die lede geleentheid te gee om gelukwensinge oor te dra en het Jannie en André van Dagbestuur 'n paar woorde gesê asook die vorige voorsitters, Johan Grobler as voorsitter tydens die afstigting, Klaus Lübbert en Tjaart Klaasen. Chris Delport as gebiedsvoorsitter het ook sy beurt gekry na hy en Ansie verras is met die oorhandiging van hul 500 algemene saamtrekplaatjie en 'n kerie vir die oudag. Met al die formaliteit agter die rug het almal heerlik gesmul aan die kos met die pragtige stem van Candice wat 'n pragtige aand afgerond het.

Hans Koekemoer as voorsitter het sy bestuur bedank vir hulle heelhartige steun en samewerking om die aand suksesvol te maak. Pieter en Elmarie le Roux is bedank vir die pragtige tafelversierings en Pieter en Magdaleen Viljoen is uitgesonder vir hulle harde werk met die bykosse wat bedien is.

Sondagaand se kerkdiens het die naweek gepas afgerond. Ds Francois du Toit het 'n baie treffende boodskap oorgedra en tydens die diens is ook Nagmaal bedien. Dit was 'n besondere geleentheid om dan in die natuur die Nagmaal te gebruik. Rietvallei bestuur het weereens verras om elkeen wat teenwoordig was te nooi om vir oulaas 'n ligte maaltyd saam te geniet onder die bome waar die oorblywende koue hoender en slaiae voorgesit is. Van vermorsing was daar geen sprake nie – elke krieseltjie kos is geeet. Traag-traag is begin om tente af te slaan, oral is gegroet tot die volgende kamp wat ook belowe om 'n hoogtepunt te wees.

Erna Koekemoer



Elke woonwa kry 'n lekkergoed pakkie by aankoms.



Tafels word pragtig versier deur Pieter en Elmarie le Roux. Tot klein 10 jaar woonwaentjes!



Elke gesin kry 'n bottel wyn met 'n Rietvallei logo as aandenking



Page 3

Kostafel met slaiae, vrugteruiker, brode en warm aartappeldis.



100 hoenders word buite gebraai



Malva poeding en vla vir nagerg



Candice kom sing vir ons

Caravans/Woonwaens @ Montana

BREEDSTAAT MONTANA PARK

Se: WILLIE 0827223925 / WIMPIE: 0769309634

RITA (TENTE) 0826514774

E-mail: willie@zawireless.co.za

Webtuiste: www.caravans-montana

**VERKOPE
HERSTELWERK**

DIENS

HERSTELWERK

TENT

VERKOPE VAN SKOON GEBRUIKTE WOONWAENS

Ons het altyd voorraad van topgehalte gebruikte woonwaens. Alle waens deur ons verkoop ondergaan 'n A – Z onderzoek en word volledig gediens en geseël en dra 'n 6 maande waarborg

IS JOU WOONWA TE KOOP – LAAT ONS DIT NAMENS JOU BEMARK

VERSIENING VAN WOONWAENS

Ons doen roetfine dienste op woonwaens – was en poleer- diens van hoekstutte-koppelstang-wiellaers en nog baie meer

HERSTEL EN VERANDERINGS AAN WOONWAENS

Ons verrig 'n wye verskeidenheid van herstelwerk aan woonwaens soos houtrot, haelskade ens. asook herstelwerk vir al die versekeringsmaatskapye. Ons bou ook LUGVERSORGERS EN ELEKTRIESE YSKASTE in

TENT HERSTELWERK

Herstelwerk aan tente en seile, vervanging van ritsluiters en gaas ens. Maak van nuwe tente , Rally tente, sykante, pale en tentsakke asook spesiale pennesakke ens. Ons doen ook weerkaats seile van versterkte materiaal

KLIENTE DIENS IS ONS LEUSE

Sop, sjerrie en die groot kuier

12 Julie 2016

Die seniors van Rietvallei het onlangs 'n baie lekker gesels-oggend gehad. Margriet van den Berg het die leiding geneem om dit in De Meerpaal-oord se sonnige saal aan te bied. Die geleentheid is goed bygewoon en Anne Henning en Linda van Vuuren het sover as Krugersdorp gekom. Marietjie Klaasen het die jonger garde verteenwoordig en Johann en Alet Lemmer van Streek Kiepersol was ook op uitnodiging daar.

Die verwelkomingsjerrie het goed afgegaan. Tinus Fourie het liedjies van Jim Reeves gesing. Wilco Smith het hom met die trekklavier begelei en tussendeur interessanthede oor dié vermaaklikheidsster se lewensgeskiedenis met die seniors gedeel. Verskillende (en heerlikste) soorte sop, broodjies en konfyt het die sjerrie volmaak aangevul.

Maar die groot lekkerte was die weersiens van kamp- en toervriende wat oor die jare soos familie geword het. Daar is 'n hond uit 'n bos gesels. Die tweeman-orkes het weer van hulle laat hoor en saam met die geroesemoes van stemme 'n besondere atmosfeer geskep. Die grappies het ook nie uitgebly nie. Die tyd het ongemerk verbygesnel en kort voor lank was dit tyd vir koffie, tee (ook sap, maar nie wyn nie!) en die lekkerste soet- en southappies. Dit was met 'n vredige gevoel dat die mense na langer as drie uur se kuier traag uitmekaar gegaan het (tot volgende keer).

Byeenkomste soos hierdie is een van die kenmerke wat SAWA (en Rietvallei) so 'n unieke organisasie maak: Mense byeen wat vir mekaar omgee en in mekaar se doen en late belangstel. Viva Rietvallei se Senior Burgers. Viva.

Johann Lemmer

‘n Senior burger ry op die hoofweg. Sy vrou bel hom op sy selffoon met ‘n bekommerde stem: “Herman, wees asseblief vesigtig! Ek het nou net oor die radio gehoor daar is ‘n mal man wat in die verkeerde rigting ry op die hoofweg!”

Herman sê: “Ek weet, maar daar is nie net een nie, daar is honderde!”

‘n Verslaggewer vra die egpaar: “Hoe het julle dit reggekry bymekaar te bly vir 65 jaar?”

Die vrou antwoord: “Ons is gebore in ‘n tyd van, wanneer iets stukkend is maak jy dit reg, jy gooи dit nie weg nie...”

Jeugnuus en -dinge

Stap-vir-stap aanwysings om ‘n maklike diamant-vlieër te maak.


Julle het nodig:

rolletjie bruinpapier met ‘n kleur aan die een kant OF koerantpapier
potlood
skêr
kunsvlytmessie
potlood of koki
2 dun reguit latte van hout of bamboes
rolletjie tou
krammasjien of sterk kleefband
sterk gom soos Bostik of gomgeweer
stukkies afvallint of -lappies vir die stert
leë tolletjie of kort stokkie wat gemaklik in jou hand pas



Maak so

1 Teken met die potlood 'n volmaakte vierkant op die bruin- of koerantpapier. Ons s'n was 45 cm x 45 cm.




2 Knip die vierkant uit.




3 Draai die vierkant sodat dit soos 'n diamant lyk en vou in die helfte sodat dit 'n driehoek vorm.




4 Vou oop en plaas een lat op die vou. Dis die vertikale lat of "ruggraat" van jou vlieër. Sny die lat met die messie sodat dit presies van die een punt van die diamant na die ander strek (dit moet dus nie oorsteek nie).



5 Plaas die ander lat dwars oor die vertikale lat 'n entjie bo die middel van die papier om 'n kruis te vorm. Dis die dwarslat. Sny die punte af sodat die dwarslat netjies op die buiterande van die papier rus. Dis belangrik dat die 2 dele van die dwarslat weerskante van die vertikale lat presies ewe lank is.




6 Bind die 2 latte in die middel stewig aan mekaar vas met die tou (of wol). Julle kan dit ook vasgom om dit ekstra stewig te maak.



7 Vou nou die 4 buiterande van die papier om om 'n netjiese soom te vorm en kram of plak die soom vas.

8 Maak die stert Bind 'n stuk tou aan die onderste punt van die diamantvorm vas. Knoop stukkies afvallint of -lap in strikkies om die tou.

9 Draai die orige tou om die tolletjie of kort stokkie. Bind die buitenste punt van die tou net bo en onder die kruispunt van die twee latte vas. Dis die tou waaraan julle die vlieër vashou wanneer julle dit laat vlieg.



ULA'S PANDWINKEL

- NUWE EN GEBRUIKTE MEUBELS
- HENGELGEREEDSKAP
- HARDEWARE
- BEADS EN CRAFTS

De Villiersstraat 156
Danville
Johan Vermaak 082 690 7909

Verjaarsdae

April	Mei	Junie
Devan Marneweck	Anria Kahts	Andries Engelbrecht
Eleanor von Benecke	Ben van Eeden	Annatjie Maritz
Elsabe Grobler	Charne Botha	Etienne de Klerk
Fritz Crous	Chris Delport	Johan de Jongh
Ina Erasmus	Elize van den Berg	Linda van Vuuren
Johann Grobler	Elzette Jacobs	
Jaco van den Berg	Wayne Botha	
Larine van den Berg	Gert von Benecke	
Marcelle van den Berg	Ingrid Maas	
Marie Coetzee	Marie de Klerk	
Marietjie Klaasen	Nellie Stander	
Mynhardt Marais	Reinier van den Berg	
Richard Botha		

Huweliks herdenkings

April	Mei	Junie
Albert en Inge	Sieg en Annatjie	Jacques en Mariana
	Pieter en Magdaleen	
	Fanie en Elsette	
	Mel en Lettie	

Knuppeldik

Mielietert vir Braaivleis

2 blikke roomsuikermielies
60ml koekmeelblom
15ml bakpoeier
60ml suiker
4 eiers
30ml gesmelte botter/margarien
5ml vanieljegeursel
Paprika vir bo-oor strooi

1. Meng al die droë bestandele saam.
2. Voeg die res van die bestandele by en meng goed.
3. Gooi mengsel in gesmeerde oondbak, strooi paprika oor, en bak vir 1 uur by 180°C tot goudbruin.


Lag 'n slag

Die kinders moes op skool 'n opstel skryf oor "die snaakste ding wat ek nog ooit gesien het".

Die klas se dromer het die hele periode sy tyd sit en verspeel – totdat die klok lui en hy sy boek moet ingee.

Bitter haastig krap hy toe die volgende sin in sy boek: "Die snaakste ding wat ek nog ooit gesien het, was te snaaks vir woorde!"

Kamprogram



Adverteer

SAWA lede met besighede of stokperdjies!!

Ons sal jul advertensies plaas vir slegs R250 vir die jaar! Belangstellendes kan gerus 'n voorbeeld van die advertensie vir Magdaleen Viljoen (magdaleenv@absa.co.za) deurgee.